



5. oktober 2009

UKA 2009/34

**ILUARSIISSUT**

Inatsisissatut siunnersuummut 18. august 2009-mik ullulerneqarsimasumut taartaasoq

(Siunnersuutip qulequtaa kisimi naqqinneqarpoq)

**Illulioritsernermut aningaasalersuineq pillugu Inatsisartut peqqussutaata allangortinneqarneranik Inatsisartut peqqussutissaattut siunnersuut.**

(Attartortup inatsisitigut pisinnaatitaasunut attartortitsinerani pisortanit taarsigassarsilluni illuni attartortitsinerami akiliutissap naatsorsornerani najoqqutassat)

(Inatsisartunut ilaasortaq Olga P. Berthelsen, Inuit Ataqatigiit)

**Saqqummiunneqarnera**

Siullermeerneqarnera

Illulioritsernermut aningaasalersuinerami inatsimmi periarfissarititaasoq 20/20/60 najoqqutaralugu aningaasalersuineq siunertani malillugu ajunngitsumik ingerlanneqarsimavoq, inuppassuarnullu namminerisaminnik illutaarniartuni aamma iluaqusiisimavoq.

Taammakkaluartuq malinneqartuq annikitsunik ajornartorsiutitaqarpoq. Pineqartuq najoqqutaralugu pisortanit tappiiffigineqartumik illuliornissaminnut kingornalu iluanaarniapilullutik akisoorujussuannorlugit attartortitsinissaannut periarfissaq annertunerusumik mattunneqarsinnaasimangilaq.

Illulioritsernermut pillugu aningaasalersuinerami Inatsisartut peqqussutaanni atuuttumi aalajangersarneqarsimavoq, ukiuni 20-ini taarsersugassaanngitsunik akilersugassartaqanngitsunillu taarsigassarsititsisoqartarpoq, Namminersornerullutik Oqartussanit kommuuniniillu nutaanik illulioritsernermut taarsigassarsititsisarnerisigut, akiligassanngortinneqartarput taarsigassarsisimasoq attartortitsippat ”inatsisartut ineqarnermut akiliut pillugu peqqussutaanni najoqqutarineqartussat unioqqutinneqarpata”.

Taannalu isumaqarpoq killeqartuq qanoq annertutigisumik attartortitsisoq iluanaaruteqassanersoq. Ajornartorsiullu uaniiginnarpoq, attartorneq pillugu peqqussut taammaallaat attartortoq inuinnaappat.

Taamaasilluni toqqaanangikkaluartumik inatsisartut peqqussutaat illuliornissamut taarsigassarsisarnermi, taarsigassarsisimasup najugaq attartortissinnaammagu annertoorujussuarmik iluanaarutitalimmik, pisortanit erniaqaratillu taarsersugassartaqanngitsunik taarsigassarsiaasa

akileqquneqarneranik kinguneqartinneqarani. Taamaaliornissamilu taamaallaat taarsigassarsisimasup najugaq attartortikkuniuk inatsisitigoortumik piginnaatinneqarsimasumut, tassa, suliffeqarfinnut imaluunniit pisorta qarfinnut inissianik amigaateqartunut attartortitsigaangata.

Siunertap 20/20/60 atorlugu illuliortitsernermi siunertarineqanngilaq pisortat tapiissutai aqqutigalugit inissianik inunnut attartortitsisartut iluanaarniapilunnissaannik. Taammaattumik pisariaqarpoq illuliortitinermit aningaasalersuinissaq pillugu inatsisartut peqqussutaata allangortinneqarnissaannik.

Mannalu inatsisissatut siunnersuut saqqummiussara taama allanguinissamik siunertaqarpoq .

Siunnersuutip kingunerisussaavaa, pisortanit tapiissutaasimasut akilertalernerneqarnissaannik, najugaq attartortinneqarsimappat, aammalu attartortitsinissamut ”akit qummut killigititaasut” qaangerneqarsimappata – aamma inatsisitigoortumik piginnaatinneqarsimasumut attartortitsisimagaanni.

Taama oqaaseqarlunga Inatsisartut siunnersuut pillugu oqallilluarnissaannik kissaappakka.